

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**GRAD TUZLA**  
**Služba za kulturu, sport, mlade**  
**i socijalnu zaštitu**  
**Broj: 17-11-7852-2026/MI**  
**Tuzla, 4.6.2026. godine**

Na osnovu člana 5. Pravilnika o kriterijima i postupku raspodjele finansijskih sredstva iz Budžeta Grada Tuzle sa pozicija za podršku projekata neprofitnih organizacija („Službeni glasnik Grada Tuzla“, broj: 5/26), i Programa utroška sredstava iz Budžeta Grada Tuzle za 2026. godinu sa pozicija za podršku projekata neprofitnih organizacija, broj: 17-212/26 od 29.5.2026. godine, Grad Tuzla putem Službe za kulturu, sport, mlade i socijalnu zaštitu, dana 4.6.2026. godine, objavljuje:

**JAVNI POZIV**  
**za dodjelu finansijskih sredstava iz Budžeta Grada Tuzle za 2026. godinu**  
**sa pozicija za podršku projekata neprofitnih organizacija**

**I - Predmet Javnog poziva**

Predmet Javnog poziva je dodjela finansijskih sredstava iz Budžeta Grada Tuzle za 2026. godinu za podršku projekata neprofitnih organizacija sa sljedećih budžetskih pozicija:

1. Transferi neprofitnim organizacijama - udruženja, organizacije i fondacije
2. Transferi neprofitnim organizacijama - sport
3. Transferi za realizaciju Akcionog plana za Rome i Romkinje grada Tuzle
4. Transferi za ostale nacionalne manjine
5. Transferi za projekte za mlade

Podrška će se pružiti za projekte neprofitnih organizacija, koji se realizuju u prioritnim oblastima određenim u skladu sa važećim strateško – planskim dokumentima Grada Tuzle. Dodjela finansijskih sredstava će se vršiti u skladu sa Metodologijom za transparentno finansiranje projekata neprofitnih organizacija po standardima Evropske unije (LOD metodologija).

**II - Prioritetne oblasti za finansiranje**

Grad Tuzla putem Službe za kulturu, sport, mlade i socijalnu zaštitu poziva neprofitne organizacije registrovane na području Bosne i Hercegovine koje će svoje projektne aktivnosti realizovati na području grada Tuzle i u interesu građana Tuzle, da dostave prijedloge projekata koji su u skladu sa razvojnim ciljevima Grada Tuzle, u sljedećim prioritnim oblastima:

**1. Socijalna zaštita:**

- unaprjeđenje kvaliteta života osoba treće životne dobi i razvijanje međugeneracijske saradnje,
- socijalno uključivanje djece, osoba sa invaliditetom, osoba u riziku i svih marginaliziranih grupa,
- ekonomsko i psihosocijalno osnaživanje osoba sa invaliditetom, osoba u riziku i marginaliziranih grupa.

**2. Ljudska prava:**

- prevencija nasilja nad marginaliziranim grupama,
- zaštita i promocija ljudskih prava i prava djeteta.

**3. Ravnopravnost spolova:**

- ekonomsko osnaživanje žena,
- prevencija nasilja nad ženama i nasilja u porodici,
- unaprjeđenje rodne ravnopravnosti na lokalnom nivou.

#### 4. **Kultura:**

- promocija kulturno-historijskog i prirodnog naslijeđa,
- promocija umjetničkog stvaralaštva, kulture i tradicije.

#### 5. **Sport:**

- uključivanje djece školskog uzrasta u sportske aktivnosti u cilju zdravog ravoja,
- očuvanje tradicije sportskih vrijednosti kroz promociju sportskih rezultata,
- stvaranje preduslova za omasovljavanje sporta uz edukaciju sportskih radnika i unaprjeđenje sportskih vještina kod sportista,
- vannastavne sportske aktivnosti učenika osnovnih i srednjih škola sa fokusom na trening i takmičenje u sportu,
- uključivanje adolescenata u sportsko-društvenu sferu života s ciljem razvoja zdravog načina života,
- unaprjeđenje sportskog ambijenta u cilju stvaranja vrhunskih sportista.

Navedene sektorske pododblasti u okviru prioritetne oblasti sport podrazumijevaju i projekte usmjerene na sportske aktivnosti osoba sa invaliditetom.

#### 6. **Mladi:**

- neformalno obrazovanje i edukacija mladih,
- ekonomsko osnaživanje i razvijanje programa samozapošljavanja mladih,
- prevencija nasilja među mladima i promocija rodne ravnopravnosti,
- unaprjeđenje zdravlja sa akcentom na mentalno zdravlje i psihosocijalno osnaživanje mladih,
- građanski aktivizam i društveni angažman mladih,
- unaprjeđenje i promocija kulturnog stvaralaštva mladih.

### **III - Iznosi sredstava za (su)finansiranje projekata**

Za dodjelu putem ovog Javnog poziva u Budžetu Grada Tuzle za 2026. godinu planirano je ukupno 357.000,00 KM raspoređenih na sljedećim grantovskim pozicijama:

1. Transferi neprofitnim organizacijama - udruženja, organizacije i fondacije ..... 130.000,00 KM  
(Za projekte iz prioritetnih oblasti: 1, 2 i 3),
2. Transferi za realizaciju Akcionog plana za Rome i Romkinje grada Tuzle ..... 50.000,00 KM  
(Za projekte iz prioritetnih oblasti: 1, 2, 3 i 4),
3. Transferi za ostale nacionalne manjine ..... 27.000,00 KM  
(Za projekte iz prioritetne oblasti 4.),
4. Transferi neprofitnim organizacijama – sport ..... 100.000,00 KM  
(Za projekte iz prioritetne oblasti 5.),
5. Transferi za projekte za mlade ..... 50.000,00 KM  
(Za projekte iz prioritetne oblasti 6.)

Iznos raspoloživih sredstava po pojedinim grantovskim pozicijama, odnosno prioritetnim oblastima kao i iznos sredstava koji se može odobriti po projektima u prioritetnim oblastima, naznačen je u **Smjernicama za aplikante.**

**Jedna neprofitna organizacija može aplicirati na javni poziv sa jednim projektnim prijedlogom i za sredstva sa jedne budžetske pozicije. Aplikanti su obavezni u aplikaciji navesti ukupan iznos sredstava potreban za realizaciju projekta, te iznos sredstva koja traže od Grada Tuzle a koji ne može biti niži od minimalnog niti viši od maksimalno određenog iznosa koji se mogu dodijeliti po projektu.**

Zainteresirane neprofitne organizacije mogu sufinansirati projekt sa kojim apliciraju ili dio sredstava osigurati od drugih donatora. Grantom koji se dodjeljuje u okviru ovog Javnog poziva i navedenih prioritetnih oblasti, mogu se finansirati administrativni troškovi (troškovi angažovanja projektnog osoblja i kancelarijski troškovi) i troškovi realizacije projektnih aktivnosti nastali u toku trajanja projekta u skladu

sa predloženim budžetom projekta. **Administrativni troškovi ne smiju prelaziti 30% troškova projekta u iznosu koji se potražuje iz Budžeta Grada Tuzle.**

Grad Tuzla zadržava pravo da ne dodijeli sva dostupna finansijska sredstva u okviru grantovskih pozicija obuhvaćenih ovim Javnim pozivom, ukoliko po Javnom pozivu ne bude zaprimljen dovoljan broj kvalitetnih projekata, odnosno projekata koji zadovoljavaju kriterije utvrđene važećim Pravilnikom.

#### **IV - Aplikanti koji imaju pravo na podnošenje prijave**

Učešće u raspoređivanju sredstava za podršku projekata neprofitnih organizacija putem ovog Javnog poziva mogu ostvariti neprofitne organizacije (udruženja ili fondacije), registrovane na području BiH u skladu sa važećim zakonskim propisima u BiH (daljem tekstu aplikanti) koje ispunjavaju sljedeće opće uslove utvrđene Pravilnikom:

- da predlažu projektni prijedlog u skladu sa definisanim prioritnim oblastima,
- da im je osnovna registrovana djelatnost u skladu sa prioritetnom oblasti u okviru koje predlažu projekat,
- da projektne aktivnosti realizuju na području grada Tuzle i u interesu građana Tuzle,
- da ne obavljaju aktivnosti u ime političkih partija,
- da posjeduju operativne (materijalno – tehničke i kadrovske) kapacitete kao i prethodno iskustvo u realizaciji projekata u prioritetnoj oblasti za koju predlažu projekt.

#### **V – Uputstvo za prijavu projekata**

Zainteresovane neprofitne organizacije, detaljne informacije o uslovima za apliciranje, kriterijima za finansiranje projekata, dokumentaciji koja se predaje uz prijavu na Javni poziv, periodu realizacije projekata, minimalnoj i maksimalnoj visini sredstava koja se dodjeljuje po projektu, nazivu tijela za ocjenjivanje projektnih prijedloga te rokovima i načinu objavljivanja rezultata provedenog javnog poziva mogu pronaći u **Smjernicama za aplikante, koje su u prilogu ovog Javnog poziva.**

#### **VI - Prijavna dokumentacija**

Prijava na Javni poziv podnosi se na propisanim obrascima koji su objavljeni u prilogu Javnog poziva. Prijava treba sadržavati sljedeće dokumente:

- a) projektni prijedlog,
- b) pregled budžeta,
- c) matrica logičkog okvira rada,
- d) plan aktivnosti i promocije,
- e) administrativni podaci o aplikantu,
- f) finansijska identifikaciona forma,
- g) popunjena i potpisana izjava o podobnosti,
- h) izjava o partnerstvu potpisana od strane aplikanta i partnera na realizaciji projekta (ukoliko je predviđena realizacija projekta u partnerstvu),
- i) popunjen obrazac liste za provjeru.

Dodatna dokumentacija je važan dio projektne dokumentacije i treba biti dostavljena kako bi prijava mogla biti vrednovana i ocijenjena. Dodatna dokumentacija obuhvata sljedeće:

- a) opisni izvještaj o aktivnostima i projektima realizovanim u prethodnoj godini ili program rada za tekuću godinu za aplikante koji su osnovani u tekućeg godini,
- b) rješenje o upisu u registar udruženja kod nadležnog ministarstva (fotokopija osnovnog rješenja o upisu i rješenja o upisu promjena) za aplikanta i partnersku organizaciju (ukoliko se projekt realizuje u partnerstvu),
- c) izvod iz registra udruženja koji nije stariji od šest (6) mjeseci od dana objave javnog poziva (original ili ovjerena fotokopija),
- d) identifikacioni broj (fotokopija),
- e) uvjerenje o izmirenim obavezama prema javnim prihodima (uvjerenje nadležne porezne uprave koje nije starije od 30 dana od dana objave javnog poziva – original ili ovjerena fotokopija),

- f) završni godišnji finansijski izvještaj za prethodnu godinu sa pečatom AFIP-a (bilans stanja i izvještaj o prihodima i rashodima – fotokopija),
- g) podaci o stručnosti osoba koje će biti angažovane na realizaciji projekta (kraći CV).

## **VII - Preuzimanje dokumentacije, način prijavljivanja, mjesto i rok za dostavu prijave na Javni poziv**

Set dokumentacije za prijavu na Javni poziv kao i Smjernice za aplikante mogu se preuzeti na službenoj internet stranici Grada Tuzle ([grad.tuzla.ba](http://grad.tuzla.ba)) a nalaze se u prilogu teksta Javnog poziva. Aplikacije i tražena dokumentacija moraju biti napisane na jednom od službenih jezika i pisama Bosne i Hercegovine. Prijavna dokumentacija mora biti popunjena elektronski, u potpunosti i sa adekvatnim sadržajem.

Prijave se dostavljaju u jednom štampanom primjerku, u zatvorenoj koverti, preporučenom poštom ili se predaju lično u Centar za pružanje usluga građanima (šalter sala) u zgradi Gradske uprave, radnim danima (ponedjeljak – petak), na adresu:

**GRAD TUZLA**  
**Služba za kulturu, sport, mlade i socijalnu zaštitu**  
**Ul. ZAVNOBIH-a broj 11,**  
**75 000 Tuzla,**

**sa obaveznom naznakom:**

**„Prijava na Javni poziv za dodjelu finansijskih sredstava iz Budžeta Grada Tuzle za podršku projekata neprofitnih organizacija, sa pozicije:**

**”**  
**( ŐBAVEZNO NAVESTI NAZIV BUDŹETSKE POZICIJE NA KOJU SE APLICIRA)**  
**-NE OTVARATI PRIJE ZVANIČNOG OTVARANJA-**  
**“**

Javni poziv je otvoren 21 dan od dana objavljivanja, a krajnji **rok za predaju aplikacija je 25.6.2026. godine**. Aplikacije koje budu pristigle poslije navedenog roka razmatraće se jedino u slučaju da poštanski žig ukazuje na datum slanja prije zvaničnog isteka roka. Aplikacije poslone na bilo koji drugi način (npr. faksom ili e-mailom) neće biti uzete u razmatranje. Vanjska strana koverta mora sadržavati naziv i adresu aplikanta te puni naziv projekta za koji aplicira.

Informativni sastanak *Dan otvorenih vrata* za sve zainteresovane aplikante održat će se 8.6.2026. godine, sa početkom u 14:00 sati, u prostorijama Gradske uprave Tuzla (sala u prizemlju). Potencijalni aplikanti će tokom sastanka biti detaljnije upoznati sa načinom prijavljivanja i popunjavanja projektne dokumentacije, kriterijima i ostalim pitanjima značajnim za pravilno apliciranje i učešće na Javnom pozivu. U slučaju potrebe za dodatnim informacijama i pojašnjenjima, potencijalni aplikanti mogu kontaktirati Službu za kulturu, sport, mlade i socijalnu zaštitu putem telefona: 035 307-327 te slanjem pitanja na e-mail: [asja@tuzla.ba](mailto:asja@tuzla.ba) sa naznakom: „Javni poziv za projekte neprofitnih organizacija“, najkasnije 5 dana prije zatvaranja javnog poziva.

**Napomena:** Riječi i pojmovi koji imaju rodno značenje, bez obzira jesu li u ovom dokumentu korišteni u muškom ili ženskom rodu, odnose se na jednak način na muški i ženski rod.

**Služba za kulturu, sport, mlade  
i socijalnu zaštitu**